

LETTRES
PATENTES EN
FORME D'EDICT, POVR
LE RACHAPT ET REVENTE DE
tous Greffes Ciuils & Criminels, & des Presenta-
tions, en toutes les Cours & Iurisdicions de ce
Royaume, Ensemble des Places de Clercs, Tabel-
lionnages, droicts de parisis, de petits seaux, dou-
blemens d'iceux, des Presentations & Controlle
des Tiltres.

*Avec l' Arrest de la Court de Parlement de Rouen, donné les
Chambres assemblées, le 19. iour de Decembre 1617.*



A ROVEN.
DE L'IMPRIMERIE,
De MARTIN LE MESGISSIER, Imprimeur
ordinaire du Roy, tenant sa boutique au haut
des degrez du Palais.

1617.

Avec Priuilege dudit Seigneur.

Case

F

39

326

1617 fsp

THE NEWBERRY
LIBRARY



Du vingt deuxiesme iour de Decem-
bre, mil six cens dixsept, à Rouen
en la Court de Parlement.



P R E S lecture Indiciairement faicte
des Lettres patentes en forme d'Edict,
données à Paris au moys de Septembre
mil six cens seize, Pour la reuente à sa-
culté de rachapt perpetuel de tous Gref-
fes tant Ciuils que Criminels, & des Presentations, Tra-
bellionnages, droicts de pariss, de petits seaux, double-
ment d'iceux & desdictes presentations, selon qu'il est plus
à plain contenu esdictes lettres, Oy sur ce le Guerchoys
pour le Procureur Gonerall du Roy, qui à dict auoir baillé
ses conclusions par escript, ausquelles il persiste pour la ve-
rification & Registrement dudit Edict, aux charges &
modifications portées par l'Arrest de la Court donné les
Chambres assemblées le dixneufiesme de ce moys, & des
Lettres patentes de Declaration dudit Seigneur du dix-
huitiesme dudit moys pour l'observation de l'Arrest &
Reglement faict par ladicte Court le quatriesme Iuing mil
six cens douze, sur la moderation des taxes & perception
des droicts & émoluments desdicts Greffes, Requerant
qu'il soit enioinēt aux Iuges y tenir la main. L A
C O V R T à ordonné & ordonne que sur le reply des-
dictes Lettres en forme d'Edict, Sera mis quelles ont esté

lues, publiées, & Registrées, Oy & Requerant le Procureur General du Roy, Pour estre executées selon leur forme & teneur; Aux charges & modifications contenues en l'Arrest de ladicte Court, donné les Chambres assemblées sur la verification d'icelles le dixneufiesme de ce mois, aussi presentement leu & publié, Seront les vultus desdictes Lettres & Arrest de verification, ensemble de l'Arrest en forme de Reglement, donné par ladicte Court le quatriesme luing mil six cens douze, sur la moderation des taxes & salaires des Greffiers enuoyez par les Bailliages de ce Ressort, pour y estre pareillement leuz, publiez & Registréz, & la publication dudit Reglement reiterée par chacun an aux deux asises Mercuriales, & affichée en chacun Pretoire de Iurisdiction, à ce que aucun n'en pretende cause d'ignorance. Desquelles lettres patentes en forme d'Edict la teneur ensuyt.

Enquoy, nous, Louis, par la grace de Dieu Roy de France, de Navarre, &c. Voulons que lesdites Lettres & Arrest de verification, ensemble de l'Arrest en forme de Reglement, donné par ladicte Court le quatriesme luing mil six cens douze, sur la moderation des taxes & salaires des Greffiers enuoyez par les Bailliages de ce Ressort, pour y estre pareillement leuz, publiez & Registréz, & la publication dudit Reglement reiterée par chacun an aux deux asises Mercuriales, & affichée en chacun Pretoire de Iurisdiction, à ce que aucun n'en pretende cause d'ignorance. Desquelles lettres patentes en forme d'Edict la teneur ensuyt.



LAVIS PAR LA GRACE DE
DIEU, ROY DE FRANCE ET
DE NAVARRE: A tous presens
& aduenir Salut. Nous auons
assez fait cognoistre par le traicté
de paix n'agueres fait à Loudun, le grand desir
que nous auons du repos general de nos sub-
jects, pour n'auoir espargné chose quelconque
qui despensist de nous, afin de donner conten-
temēt à tous ceux qui s'en estoient eslongnez,
la pluspart pour la consideration de leurs pro-
pres interests, de lesquels nous auōs eu vn soing
si particulier, que les fraiz de la guerre & l'ex-
écution dudit traicté ont entieremēt espuisé le
fonds de nos finances, au remplacemēt duquel
nous pensions à bon escient, afin de remettre
nos affaires en ordre avec la paix, laquelle nous
tenions assuree, quand par vne speciale grace
de Dieu, nous auons eu aduis des pernicieux
desseins, de ceux lesquels outre le deuoir qu'ils
nous ont, cōme à leur Roy & Souuerain Sei-
gneur, apres les y auoir encores obligez par
toutes sortes de bien-faiçts & bons traictemēs:

continuent d'entreprendre de nouueau contre
nostre authorité & seruice : A quoy nous auōs
grāde occasion de pourueoir de bonne heure,
& d'essayer de preuenir leurs mauuais inten-
tions. Ce que ne pouuans faire sans vn nota-
ble secours d'argent, le fonds de nos finances
estant comme dit est, espuisé, Nous sommes
contraints en ceste si vrgente necessité, en la-
quelle il s'agit du salut de nostre personne &
de nostre Estat, à la conseruatiō desquels tous
nos bōs subjects sont estroictemēt & particu-
liermēt obligez de rechercher des moyēs ex-
traordinaires, dont nous ayans esté faites plu-
sieurs ouuētures & propositions, entr'autres
celuy de la reuente de tous les Greffes Ciuils,
Criminels, & des presentations, affirmations
& insinuations & places de Clercs, droicts de
parisis, petits scaux, doublemens d'iceux, &
desdictes presentations Tabellionnages, &
Controlle des Tiltres, lesquels ont esté cy de-
uāt vēdus & engagez, à faculté de rachapt per-
petuel à esté trouué le moins onereux à nos
subjects, pour estre libre & volontaire & sans
augmētation des droicts qui y sont attribuez,
n'y à aucune charge de finance sur nous n'y sur
nos subjects, & tel routesfois que nous pouuōs
attēdre secours de ceste part, d'vne bōne som-
me de deniers. A CES CAUSES, apres auoir

fait meurement deliberer de cét affaire en nostre Conseil, où estoient la Royne nostre tres-honorée Dame & Mere, aucuns Princes de nostre sang, autres Princes, Seigneurs & notables personages de nostredit Conseil, De l'aduis d'iceluy & de nos propre mouuement, plaine puissance & autorité Royale, Auōs par cestuy nostre present Edict perpetuel & irreuocable, dict, statué & ordonné, disons, statuons & ordōnons, voulons & nous plaist, que tous Greffes, tant ciuils que criminels, & des presentations, affirmatiōs & insinuations, ensemble les Clercs desdicts Greffes, soit en nos Cours de Parlement, Grand Conseil, Chambre des Comptes, Cours des Aydes, Cour des Monnoyes, Requestes du Palais & de nostre Hostel, Chambre du Thresor, Eauēs & Forests, Sieges Presidiaux, Bailliages, Seneschaussées, Preuostez, Eslections, Greniers à sel, Gruyries, Mareschaussées, Admirautez, Iuges, Consulz, & autres Iurisdicctions Royales, & Tabellionnages, droicts de parisis, de petits seaux, doublemens d'iceux, & desdites presentations, & Controlle des Tiltres cy deuāt vēdus par nous & par nos predecesseurs Roys, & engagez à faculté de rachapt perpetuel, à quelques personnes que ce soit, serōt par nous retirez & racheptez, & iceux auons dès à

present reünis & incorporez à nostre Domaine, avec les droicts proffits & émolumēs y attribuez par les Edicts de creation & establissement d'iceux, & les reglemens sur ce faits, Desquels Greffes, Clercs d'iceux, avec ledit droict de parisis, joinct & vny & doublemens dessusdits, Tabellionnages & Controlle des Tiltres, sera fait rachapt & remboursemēt aux acquireurs & possesseurs d'iceux, dōt ils serōt actuellement remboursez, auant qu'en estre depossederz, pour estre de nouueau vēdus & adjugez à faculté de rachapt perpetuel, par les Cōmissaires qui serōt à ce par nous commis & deputez, les solemnitez en tel cas requises & accoustumées gardées & obseruées. Et où ledit droict de parisis & doublemēs desdits petits seaux & presentations auront esté vendus separément d'avec lesdits Greffes, Clercs d'iceux, seaux, Tabellionnages, & Controlle des Tiltres, & ne se trouueroient personnes qui les encherissent ensemblemēt avec ledit parisis, & doublemēt desdits petits seaux & presentations, lesdicts droicts de parisis & doublemens desdits petits seaux & presentations, seront reuēdus separément, Pour estre les deniers qui prouindront desdites ventes, payez par les acquireurs es mains de celuy qui sera par nous cōmis a la recepte d'iceux, & par luy en nostre Espargne, & employez

employez par le Thresorier de nostredite Es-
pargne aux effectz dessusdits, ainsi qu'il luy se-
ra par nous ordonné & commandé. Voulans
que les contracts qui seront passez par lesdicts
Cômmissaires soient de telle force & vertu, cō-
me s'ils estoient passez en nostre Conseil, &
que les acquereurs desdits Greffes, Clercs d'i-
ceux, avec ledit parisis, petits seaux & double-
més, Tabellionnages & Controlle des Tiltres
joincts & vnis, où reuendus separément,
soient mis en possession de leursdictes acqui-
sitions, en vertu desdits contracts & quittances
du payemēt qu'ils aurōt fait, pour en jouyr par
leurs mains, cōme de leur vray & loyal acquest,
Lesquels contracts nous auōs dès à present cō-
me pour lors, validé & authorisé, validons &
authorisons par ces presētes, sans que les nou-
ueaux acquereurs soiēt tenus à autres charges
quelconques, que celles portées par les con-
tracts des premieres alienations, & que lesdits
acquereurs puissent estre aucunement empes-
chez, soit par reductiō de deniers à rente ou au-
trement, en quelque sorte & maniere que cessoit,
ny deposseder, sinō en les remboursant actuel-
lemēt de leurs deniers: Voulons & ordōnons
aussi que les precedēs acquereurs soient cōme
dit-est, réboursez des deniers par eux actuelle-
ment payez en nos coffres & tournez à nostre
profit, auparauant qu'en estre deposseder. Si

D O N N O N S E N M A N D E M E N T, à noz'améz
& feaux Conseillers, les Gens tenans nostre
Court de Parlement a Rouen, Chambre des
Comptes & Court des Aydes audiēt lieu, que
ces presentes ils facent lire, publier & registrer
garder, obseruer & entretenir inuiolablement
de poinēt en poinēt, selō leur forme & teneur:
sans y contreuenir ny souffrir y estre contre-
uenu en aucune maniere, Car tel est nostre
plaisir: Nonobstant tous Edicts, Ordonnan-
ces Clameur de haro, Chartre Normande, &
choses à ce contraires, ausquelles & aux déro-
gatoires des dérogatoires y contenuës, Nous
auons de noz mesmes puissances & autorité
dérégé & dérogeons par cesdites presentes,
Ausquelles afin que ce soit chose ferme &
stable à tousiours, Nous auons fait mettre no-
stre seel, sauf en autres choses nostre droiēt &
l'auoir en toutes. D O N N E' a Paris, au mois
de Septembre, l'an de grace mil six cens seize,
Et de nostre regne le septiesme.

Signé,

L O V I S.

Et sur le reply,

P A R L E R O Y.

P O T I E R.

Et à costé, V I S A.

Et seellé en lacz de foye rouge & verd, du
grand seel en cire verd.

Et à costé sur ledit reply est escript.

Leues, publiées, & Registrées, Oy & Requerant le Procureur General du Roy, Pour auoir lieu & estre le contenu executé selon leur forme & teneur : Aux charges & modifications contenus en l' Arrest donné en ladicte Court les Chambres assemblées le dixneuuesme iour de ce mois. A Rouen en Parlement le vingt-deuxiesme iour de Decembre, Mil six cens dixsept.

Signé,

DE BOISLEVESQUE.



NOVIS PAR LA GRACE DE DIEU, ROY DE FRANCE ET DE NAVARRE : A nōz amēz & feaux les Gens tenans nōstre Cour de Parlement de Roüen , Salut. Ayans veu la deliberation prise en nōstredicte Cour le traiziesme Septembre dernier : Que nous serions tres-humblement supplié avant que proceder a l'enregistrement & publication de nōstre Edict du mois de Septembre mil six cens seize , Contenant reuente de tous noz Grefes , places de Clercs , parisis , presentations , Tabellionnages & petits feaux , d'aggreer le Reglement par elle faict le quatriesme Iuing mil six cens douze , sur la fonction & perception des droicts & émoluments des Grefiers des Bailliages & Vicontez du Ressort de nōstredicte Cour , qu'elle auroit faict suivant & conformément à nōz Edicts & Ordonnances pour le bien & soulagement de nōz subjectz , N O V S auons faict

veoir en nostre Conseil ladicte deliberation, ensemble ledict Reglement, lequel pour éviter aux abus & malversations que peuvent commettre lesdicts Greffiers en la perception de leurs droicts & émoluments contre & au prejudice de noz Edicts & ordonnances, a esté trouué raisonnable de le faire observer. A CES CAUSES, Nous vous mandons & tres-expressement enjoignons par ces présentes signées de nostre main, que sans plus différer vous ayez à proceder a la publication & registrement de nostredict Edict selon sa forme & teneur : sans y apporter aucune longueur, remise, ny difficulté, faisant par vous garder & observer vostredict Reglement dont coppie est cy attachée souz nostre contre-seel, sur les peines y contenuës, Et au cas de contrauention, Nous en attribuons la congnoissance aux Iuges des lieux : & par appel en nostredict Cour, Reuoquant toutes euocations qui pourroient auoir esté cy deuant expédiées au prejudice de vostredict Reglement, qu'entendons estre gardé & observé a l'aduenir : Enjoignans a nostre Procureur General faire sur ce toutes poursuites, requisitions sur ce nécessaires, C A R Tel est nostre plaisir.

DONNE' à Rouen le dixhuitiesme iour
de Decembre , l'an de grace Mil six cens
dixsept , Et de nostre regne le huitiesme.

Signé, **L O V I S.**

Et plus bas , **PAR LE ROY.**

P O T I E R.

Et seellé sur simple queue du grand seel
en cire jaune.



EXTRAICT DES REGISTRES
de la Court de Parlement.

VEU PAR LA COURT
les Chambres assemblees, les
Lettres Patentes en forme
d'Edict, du mois de Septem-
bre 1616. pour la reuente de
tous les Greffes, Places de Clercs, Parisis, Pre-
sentations, Seaux, Tabellionnages & Control-
le des Tiltres. Arrest du Conseil d'Estat du 4.
Mars dernier, Par lequel est ordonné qu'il sera
procedé à ladicte reuente, par les Commissaires
qui seroient deputez par sa Maiesté dâs la Pro-
vince de Normandie, ausquels seroit dôné pou-
voir d'ordonner des remboursements de tous les
possesseurs d'iceux, suiuant les Reglements qui
en seroient faictz audict Conseil. Arrest de la-
dicte Court du 12. Aupil, par lequel elle auroit

tiens Reglements dudit Conseil, Et neantmoins ordōne que les offices de Contrerolleurs des Titres de ladite Prouince, Comme aussi le Greffe des Consulz de ladiete ville de Rouen, seroient exceptez dudit Edict, sans qu'ils peussent estre cōpris esdites reuentes. Lettres de lussion suivant ledict Arrest du Conseil du 7. dudit mois d'Aoust. Arrest de ladiete Court du 9. dudit mois d'Aoust, Par lequel elle auroit ordōnē que les anciens Reglemēts sur le faict des Greffes dōc mētion est faite audit arrest du Conseil du 5. dudit mois seroient representez, Et ce pendāt que sa Maiestē seroit tres-humblement suppliēe de vouloir ordonner que suiuant ledit arrest & deliberation d'icelle du 3. dudit mois, les Reglements faits par ladite Court le 4. Iuin 1612. sur les taxes & émoluments desdits Greffiers, seroient gardez & obseruez, & la congnoissance des contrauentions reseruēe à icelle, Renouuant à ceste fin par sadite Maiestē les euocations obrenuēs par les predecesseurs desdits Greffiers, qui soubz ce pretexte exigent impūnēment ce qu'ils veulent, & en faire par sadite Maiestē expedier

Lettres de declaration. Autres lettres patentes
de Iussion du 6. Septembre ensuiuant. Autres
lettres de declaration dudit Seigneur, données à
Rouen le 18. de ce present moys, Par lesquelles
sa Maiesté ayant fait veoir à son Conseil la de-
liberation de ladite Court du 13. Septēbre, en-
semble ledit Reglement fait par icelle le 4. Iuin
1612. sur la fonction & perception des droictz
& émoluments des Greffiers des Bailliages &
Vicontez de ce Ressort, Lequel Reglemēt pour
euitier aux abus & maluersations que peuuent
commettre lesdicts Greffiers en la perception de
leursdicts droictz & emoluments au preiudice
des Edictz & Ordonnances, Ayant trouué rai-
sonnable de le faire obseruer, Mande tres-ex-
pressément à ladicte Court de proceder à la pu-
blicatian & registrement dudit Edict, faisant
par elle garder & obseruer ledit Reglement dōc
coppie est attachée esdites lettres soubz le contre-
seel, sur les peines y contenuës, Et en cas de con-
trauention en attribué la congnoissance aux Iu-
ges des lieux, & par appel à ladicte Court, Re-
uoquant toutes euocations qui pourroient cy

deuant auoir esté expediées au preiudice dudict
reglement, que sa Maieité entend estre gardé &
obserué à l'aduenir. Arrestz de ladicte Court
interuenuz sur la veriffication des Edicts de
reuenue & reünion desdicts Greffes au domai-
ne de sadite Maieité, Contenants exception des
Greffes de ladicte Court & Places de Clercs es-
dicts Greffes dès 14. Aoust mil cinq cës soixan-
te dixhuiët, 18. N ouembre mil cinq cens qua-
tre vingts, 18. Decembre mil cinq cens quatre-
vingts quinze, 20. Mars & 24. Decembre
mil cinq cens quatre vingts saize, Conclusions
du Procureur General du Roy, Tout conside-
ré. L A C O V R T les Chambres
assemblées du tres-exprez commandement du
Roy par plusieurs fois reiteré, A ordonné &
ordonne, que lesdictes Lettres patentes en forme
d'Edict du mois de Septèbre mil six cens seize,
seront leuës, publiées & registrées, pour auoir
Lieu & estre le contenu en icelles executé, En ce
non compris les Greffs Civil & Criminel de la-
dicte Court de Parlement & Requestes du
Palais d'icelle, & les Places de Clercs esdicts

Greffes cy deuant exceptez par les Arrests de
ladiète Court des 14. Aoust 1578. 18. No-
uembre mil cinq cens quatre vings, 18. De-
cembre 1595. 20. Mars & 23. Decèbre 1596.
Ensemble les Greffes des affirmations & infi-
nuations, Prieur & Consulz, & offices de Con-
troleurs des Tiltres, aussi exceptez & reservez
par les Arrestz dudit Conseil & lettres de Jus-
sion sur iceulx des 18. & 30. Juillet & 5.
Aoust derniers, & aux charges contenues esdi-
tes lettres de Jussio & declaratiõ dudit Seigneur
du 18. de ce moys, pour l'observatiõ du Regle-
ment faict par ladiète Court le 4. Iuing 1612.
sur la moderation des taxes desdicts Greffiers,
Lesquelles seront aussi registrées es Registres de
ladiète Court, & les contraventions iugées par
icelle, où par les Iuges ordinaires selon les occur-
rèces, sans preiudice de l'vsage d'entre les Gref-
fiers & Procureurs des Iurisdicctions du Bailly
& Viconte de Rouen, pour l'expedition
des actes & sentences, A la charge aussi que
l'execution dudit Edict pour ladiète reuente,
se fera en ceste Prouince de Normandie par les

Commissaires qui seront à ce deputez, suivant
ledict Arrest du Conseil du quatriesme Mars
dernier, Et sera ledict Reglement du qua-
triesme Juing mil six cens douze, derechef Im-
primé, & enuoyé par les Bailliages & Vicou-
tez de ce Ressort, pour y estre leu & publié, gar-
dè & obseruè selon sa forme & teneur. Faict
à Rouen en ladiète Court de Parlement, les
Chambres assemblées, le dixneufiesme iour de
Decembre, mil six cens dix sept.

Signé, DE BOISLEVESQUE.



